

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona”, br. 17/00, 1/05, 11/06, 13/11 i 15/17), člana 9. stav (1), a u vezi sa članom 18. stav (1) tačka c) i članom 19. stav (2) Zakona o dugu, zaduživanju i garancijama u Federaciji Bosne i Hercegovine („Službene novine Federacije Bosne i Hercegovine“, broj: 45/25) i članom 56. stav (4) tačka c) i stav (5) Zakona o izvršenju Budžeta Tuzlanskog kantona za 2025. godinu („Službene novine Tuzlanskog kantona“, br. 18/24, 7/25 i 16/25), Vlada Tuzlanskog kantona, na sjednici održanoj dana 09.12.2025. godine, d o n o s i

O D L U K U

O PRIHVATANJU ZADUŽENJA TUZLANSKOG KANTONA PO DUGOROČNOM KREDITU KOD ASA BANKE DD SARAJEVO

I

Prihvata se unutrašnje zaduženje Tuzlanskog kantona po dugoročnom kreditu kod Asa Banke d.d. Sarajevo u svrhu finansiranja kapitalnih investicija odobrenih Programom javnih investicija Tuzlanskog kantona za period 2025-2027. godina u iznosu 39.797.000,00KM, pod sljedećim uslovima:

- Vrsta kredita: dugoročni
- Period otplate: 10 godina
- Bez grace perioda,
- Nominalna kamatna stopa fiksna na godišnjem nivou - do 3,17 %,
- Jednokratna naknada za obradu kreditnog zahtjeva iskazana u procentu od iznosa ponude kreditnih sredstava - 0,09 % jednokratno,
- Način i rok otplate kredita: jednokratno isplatom sredstava na JRT Budžeta Tuzlanskog kantona, otplata u 120 mjesečnih rata,
- Vrsta instrumenata obezbjeđenja: 10 bjanko mjenica.

II

Kreditna sredstva iz tačke I ove odluke namijenjena su za finansiranje sljedećih kapitalnih investicija:

- a) finansiranje izgradnje zgrade Policijske uprave u Živinicama u iznosu 3.100.000,00 KM,
- b) finansiranje izgradnje zgrade Općinskog suda u Lukavcu u iznosu 2.297.000,00 KM,
- c) finansiranje izgradnje, adaptacije, opremanja i vanjskog uređenja Kampusa JU Univerziteta u Tuzli u iznosu 14.400.000,00 KM,
- d) sufinansiranje Projekta izgradnje i održavanja vodosnabdijevanja južnog dijela grada Živinice u iznosu 10.000.000,00 KM
- f) sufinansiranje izgradnje i održavanja vodnih objekata u gradovima i općinama Tuzlanskog kantona u iznosu 10.000.000,00 KM.

III

Izuzetno, Vlada Tuzlanskog kantona može svojom odlukom, na obrazložen prijedlog resornog ministarstva i pribavljeno pismeno mišljenje Ministarstva finansija, izmijeniti kapitalnu investiciju koja se finansira iz sredstva kreditnog zaduženja pod uslovom da je nova kapitalna investicija odobrena Programom javnih investicija Tuzlanskog kantona za period 2026-2028. godine i Budžetom Tuzlanskog kantona za fiskalnu godinu.

Pod izuzećem u smislu stava 1. ove tačke podrazumjeva se da u postupku realizacije kapitalne investicije nastupe okolnosti na koje Vlada Tuzlanskog kantona nije uticala, niti je mogla uticati, a odnose se na dokumentaciju potrebnu za realizaciju kapitalne investicije (urbanistička

saglasnost, građevinska dozvola ili druga dokumentacija), a koja utiče na početak realizacije kapitalne investicije.

Odluka o izmjeni kapitalne investicije koja se finansira iz sredstava kreditnog zaduženja iz stava 1. ove tačke obavezno mora sadržavati naziv kapitalne investicije, broj projekta iz PIMIS baze, naziv kapitalne investicije koja se izuzima od kreditnog finansiranja sa obrazloženjem, iznos procjenjene vrijednosti kapitalne investicije projekta i eventualno druge elemente u zavisnosti od karaktera kapitalne investicije.

IV

Izuzetno, Vlada Tuzlanskog kantona može svojom odlukom, na obrazložen prijedlog resornog ministarstva i pribavljeno pismeno mišljenje Ministarstva finansija, izmijeniti visinu kreditnih sredstava za finansiranje pojedinačnih kapitalnih investicija iz tačke II ove odluke.

Pod izuzećem u smislu stava 1. ove tačke podrazumjeva se unutarnja preraspodjela iznosa novčanih sredstava između pojedinačnih projekata navedenih u tački II ove odluke.

V

Tuzlanski kanton se obavezuje da će u svrhu naplate svih potraživanja po ovom kreditu, kao sredstvo obezbjeđenja Asa Banci d.d. Sarajevo dostaviti 10 bjanko mjenica, kojim Tuzlanski kanton ovlašćuje Asa Banci d.d. Sarajevo da primljene bjanko mjenice može koristiti za naplatu dospjelog a neplaćenog potraživanja.

VI

U periodu dospijeca obaveza po kreditu potrebno je osigurati sredstva iz budžeta Tuzlanskog kantona za izmirenje dospjelih obaveza i ista planirati u budžetu za cijelo vrijeme trajanja otplate kredita.

VII

Za potpisivanje svih ugovora i sredstava obezbjeđenja po kreditu na osnovu ove odluke, ovlašćuje se ministar finansija Tuzlanskog kantona.

Zaključivanje ugovora o kreditu i primjena ove odluke uvjetovano je dobijanjem prethodne saglasnosti Federalnog ministarstva finansija/financija.

VIII

Za realizaciju ove Odluke i izvještavanje zadužuju se Ministarstvo finansija Tuzlanskog kantona i resorna ministarstva po projektima finansiranja.

IX

Ova Odluka stupa na snagu danom donošenja, a objavit će se u "Službenim novinama Tuzlanskog kantona".

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A



PREMIJER KANTONA

Irfan Halilagić
Irfan Halilagić

Broj: 02/1-11-36173/25
Tuzla, 09.12.2025. godine